



### **Damondas da baghegiar**

Nr. 01/2023

Datum da publicaziun: 06-01-2023

Patrun: Vincenz Adrian e Rafaela, 7175 Sumvitg

Representant: Leuzinger Generalbau SA, 7013 Domat

Liug e parcella: Sumvitg-Quadras Su; 1795

Object: construcziun d'ina casa d'ina famiglia

Il profils ein tschentai ed ils plans da construcziun ein deponi tier la canzlia communal. L'investa publica cuozza 20 dis dapi il datum da publicaziun.

Eventualas protestas encunter sura damonda da baghegiar ein d'inoltrar alla cumissiun da baghegiar Sumvitg enteifer 20 dis dapi il datum da publicaziun.

Dils plans sa vegnir priu investa sin canzlia communal durant las uras da spurtegl.

Sumvitg, 06-01-2023

*Cumissiun da baghegiar*

### **Serrada via Val Sumvitg**

Ord motivs da segirtad resta la via Val Sumvitg serrada naven d'immediat sil tschancun da Val anen per tut traffic.

Sumvitg, 06-01-2023

*Departament traffic*

### **Il first responders plus rinforzan sco emprems provediders ils fatgs da salvament dallas vischnauncas Sumvitg e Trun**

#### **Occurrenza publica d'informaziun ils 18 da schaner 2023**

En grondas parts dil cantun drovi in cert temps, avon che las forzas d'acziun professiunalas arrivan el liug digl eveniment. Ord quei motiv vegnan gidontras e gidonters d'emprem agid engaschai, schinumnai first responders, che procuran aschi spert sco pusseivel per in emprem provediment. En situaziuns cun prighel han mesiras d'agid immediatas durant las empremas minutas in'influenza decisiva per il survivor da personas.

La secziun Terri dil Salvament Alpin Svizzer ha retschert dil cantun l'incumbensa da realisar il project en la regiun Surselva. Ensem cun l'uniun samaritana e las vischnauncas da Sumvitg e Trun vegn in in emprem pass organisau ina occurrenza publica d'informaziun. Tuttas personas interessadas ein cordialmein envidadas.

**L'occurrenza ha liug mesjamna, ils 18 da schaner 2023 allas 20.00 uras ell'aula dalla casa da scola a Trun.**

*Uniun samaritana Sumvitg-Trun  
Suprastonzas communalas Sumvitg e Trun*

### **Cantar dils Retgs 2023**

Suenter ina pausa da 2 onns semettan ils retgs e las reginas dalla 5. e 6. classa dalla scola a Rabius sin via per visitar ils habitonts dalla vischnaunca da Sumvitg. Els speran d'astgar legrar biars cun lur visetas e cant. Lur tur entscheiva mintgamai allas 17:00.

### **Sonda, ils 7 da schaner 2023**

- gruppa 1: Rabius sut via principala, Gir tochen il Mini-Consum, Caduff e Cumadé
- gruppa 2: Sumvitg sut via principala ed allas 19.00 duront la messa
- gruppa 3: Cumpadials ella casa Sogn Giusep ed el vitg da Cumpadials caplutta da Laus, caplutta da Clavadi, caplutta da Sogn Benedetg.

### **Dumengia, ils 8 da schaner 2023**

- gruppa 1: Rabius sur via - via Cavivens, via Catat, via Fravia, Chistrisch, Cahó
- gruppa 2: Sumvitg sur via principala
- gruppa 3: Surrein

### **Ils retgs e las reginas contan era duront ils survetschs divins sco suonda:**

#### **sonda sera**

- allas 16.30 en casa sogn Giusep a Cumpadials
- allas 19.00 en baselgia a Sumvitg

#### **dumengia**

- allas 09.15 en baselgia a Rabius
- allas 10.30 en baselgia a Surrein

Ina gronda part dil recav va en favur dil project 2023 dalla Missio «affons segidan cun affons ell'Indonesia».

*Dieus paghi per vies sustegn.*